

古今詞話

古今詞話

吳江沈 雄偶僧編纂

休寧江尚質丹崖

詞品

原起

張炎曰粵自隋唐以來聲詩間出爲長短句至於樽
前花間迄於崇寧立大晟府命周邦彥諸人討論古
昔由此八十四調之聲始傳其後万俟雅言輩增衍
慢曲引近或移宮換羽爲三犯四犯按月令爲之其

曲遂繁

黃昇曰長短句始於唐盛於宋唐詞具載花間集宋詞多見於曾端伯所編復雅一集兼採唐宋迄於宣和之季凡四千三百餘首吁亦備矣況中興以來作者繼出及乎近世人各有詞詞各有體知之而未見見之而未盡者不勝筭也

俞彥曰詞何以名詩餘詩亡然後詞作故曰餘非詩亡所以歌詠詩者亡也周東遷三百篇音節始廢至漢而樂府出樂府不能以代民風而歌謠出六朝至

唐樂府又不勝詰曲而近體出五代至宋近體又不
勝方板而詩餘出唐之詩宋之詞甫脫穎而已傳徧
歌工之口元世猶然今則絕響卽詩餘中有採入南
劇引子率皆小令其曼詞不知爲何物此詩餘之亾
所以歌詠詩餘者亾也

王岱曰詩至於餘而詩亾餘至於極妙而詩復存是
薄詩之氣者餘也收詩之腐者亦餘也詩以溫厚含
蓄怨不怒哀不傷樂不淫爲旨詞則欲其極怒極傷
極淫而後已元氣於此盡矣觀唐以後詩之蕪澁反

不如詞之清新使人怡然適性不惟不欲少留元氣
若以不留元氣爲妙者是時代升降學力短長各殊
氣運至此不容不變動人心之巧不容不割露卽作
者當亦不自知其何故是詩之不至於盡亡則實餘
有以存之也

徐師曾曰自樂府亡而聲律乖李白始作清平調憶
秦娥菩薩蠻時因效之厥後行衛尉少卿趙崇祚輯
花間詞五百闕爲近代填詞之祖陸放翁云詩至晚
唐五季氣格卑陋千家一律而長短句獨精巧高麗

後世莫及此事之不可曉。蓋傷之也。然謂之填詞。則調有定格。字有定數。韻有定聲。間有長短句。或可損益。亦必凜遵於所自昉也。

陳大樽曰。宋人不知詩而強作詩。其爲詩也。言理而不言情。終宋之世無詩。然宋人懽愉愁怨之致。動於中而不能抑者。類發於詩餘。故其所造獨工。蓋以沉摯之思而出之。必淺近。使讀之者驟遇之。如在耳目之表。久誦之而得雋永之趣。則用意難也。以猥利之詞而製之。寔工鍊。使篇無累句。句無累字。圓潤明密。

言如貫珠則鑄調難也。其爲體也纖弱明珠翠羽尙嫌其重。何況龍鸞必有鮮妍之姿而不藉粉澤則設色難也。其爲境也婉媚雖以驚露取妍寔貴含蘊不盡時在低徊唱歎之際則命篇難也。宋人專事之篇什旣富觸景皆會雖高談大雅而亦覺其不可廢也。

疏名

都穆曰。滿庭芳。取柳柳洲滿庭芳草積。玉樓春。取白香山玉樓宴罷醉餘春霜葉飛。取杜子美清霜洞庭葉。故欲別時飛。宴清都。取沈隱侯朝上閭闔宮夜宴。

清都闕又云風流子出劉良文選註言其風美之聲
流於天下子者男子通稱荔枝香出唐書貴妃生日
命小部奏新曲未有名適進荔枝故以名曲解語花
出天寶遺事亦明皇稱貴妃語解連環出莊子連環
可解華胥引出列子夢游華胥之國塞垣春出後漢
鮮卑傳玉燭新出爾雅此載南濠詩話者

楊慎曰詞名多取詩句如蝶戀花取梁元帝翻階蛺
蝶戀花情滿庭芳取吳融滿庭芳草易黃昏點絳脣
取江淹詩白雪凝瓊貌明珠點絳脣鵬鴒天取鄭

詩。春游鷄鹿塞。家在鷓鴣天。惜餘春。取太白賦語。浣
溪沙。取杜少陵詩。青玉案。取四愁詩語。西江月。取衛
萬詩。只今惟有西江月。曾照吳王宮裏人。踏莎行。取
韓翃踏莎行。草過春溪。瀟湘逢故人。柳惲詩也。粉蝶
兒。毛滂詞。與花同活句也。菩薩蠻。西域婦人髻也。蘇
幕遮。高昌女子所戴油帽。尉遲杯。尉遲敬德飲酒必
用大杯也。蘭陵王。王入陣必先言其勇也。生查子。查
卽古槎字。張鷟事也。多麗。張均妓名。善琵琶者也。念
奴嬌。玄宗宮人念奴也。見詞品。

胡應麟曰點絳脣青玉案等名楊說或協餘皆偶合
未必出自詩中滿庭芳草易黃昏形容淒寂詞名僅
滿庭芳三字豈應出此生查子謂古槎字合之博望
意亦不貫菩薩蠻謂南國人危髻金冠故名非專指
婦人髻也尉遲大杯正史世攷乃引南劇爲據鷓鴣
天謂鄭峒詩則春游鷄鹿塞鷄鹿塞當入何調愚按
用脩元敬俱號博綜過於求新遂多瑣瀟如一滿庭
芳也元敬謂本柳洲用脩謂本吳融果何自歟說載
筆叢

沈際飛曰按南北劇與調同名者頗多小令之摛練
子點絳唇卜筭子調金門憶秦娥浪淘沙鴈鵠天步
蟾宮鵲橋儂夜行船梅花引等中調之一剪梅唐多
令十拍子青玉案行香子天仙子風入松剔銀鐙祝
英臺近滿路花意難忘等長調之滿江紅尾犯滿庭
芳燭影搖紅念奴嬌絳都春高陽臺喜遷鶯東風第
一枝二郎神花心動等皆南劇引子小令之柝梢吉
賀聖朝中調之醉春風驀山溪長調之聲聲慢八聲
甘州桂枝香永遇樂沁園春賀新郎皆南劇慢詞

柳塘詞話曰唐宋諸詞花間草堂習久傳多僻調異名每置不問近來異體怪目渺不可極故詞選須用舊名如本草誌藥一種數名必好稱新目徒惑視聽世裨方理猶必辨以宮律溯之原起廼爲有當若後人自度或前後湊合更立新名則吾豈敢定哉

按律

楊萬里曰作詞有五要第一按律其次擇腔如十一月須用正宮元宵詞須用僊呂宮當遇事以別之月令以準之宋之大祀大卹則用六州歌頭可以例定

而不可以名拘者也

黃昇曰按周美成瑞龍吟自章臺路至歸來舊處是第一段自黯凝竚至盈盈笑語是第二段謂之雙拽頭屬正平調自前度劉郎以下卽犯大石調是第三段至歸騎晚以下再歸正平調諸本於吟箋賦筆下分段者非體也

古今樂

亦曰姜堯章詞花菴備載無遺若湘月翠樓

吟惜紅

公諸腔不得其調難入管絃也

楊萬里

曰作詞能依句者少詞若歌韻不協奚取哉

或謂善歌者能融化其字殊不詳制作轉摺用或不當正旁偏側凌犯他宮非復本調所以宮律之重也如塞翁吟之衰颯帝臺春之不順隔浦蓮之奇煞團圓花之世味是擇腔又在按律之後不可不較量耳錢謙益曰張南湖少從王西樓刻意填詞必求合某宮合某調某調第幾聲其聲出入第幾犯抗墜圓美以期合作謂之當行余對之曰南湖圖譜俱係習見諸體一按字數多寡句讀平仄至宮律之學尙隔一塵試覽樂章集中有同一體而分載大石歇指較之

多寡平仄。要大有別。此理亦近人未解。

沈際飛曰。所謂宮調者。黃鐘宮。南呂宮。無射宮。中呂宮。正宮。仙呂宮。歇指調。高平調。大石調。小石調。正平調。越調。商調。此十三條曲律也。以南北劇引用詩餘較之。尚有林鐘宮。雙調。般涉調。道宮。散水調。琴調。共一十九條。然詩餘有名同而所入之宮調則異。字數多寡亦因之異者。亦有字數多寡則異而所入之宮調則同者。

雍熙樂府曰。黃鐘宮。空富貴。纏綿。正宮。空惆悵。雄壯。

大石調。空風流蘊藉。小石調。空旖旎。娥媚。僊呂宮。空
清新綿遠。中呂宮。空高下閃賺。南呂宮。空感歎傷惋。
雙調。空健捷激臬越。調。空陶寫冷笑。商調。空悽愴怨。
暮林鐘。商調。空悲傷宛轉。般涉羽調。空拾綴坑塹。歇
指調。空急併虛擲。高平調。空滌蕩滉漾。道宮。空飄逸。
清幽。角調。空典雅沉重。此以詩餘之約法而爲歌曲
之元聲也。

沈雄曰。前人旣用宮律。豈古者可被管絃。今則不詳
譜例哉。家詞隱先生作古今詞譜。分十九調。一黃鐘。

二正宮三大石四小石五僊呂六中呂七南呂八雙
調九越調十商調十一林鐘十二般涉十三高平十
四歇指十五道宮十六散水十七正平十八平調十
九琴調一按舊例所輯俱唐宋元音然有以黃鐘之
喜遷鶯而爲正宮之喜遷鶯南呂之喜遷鶯者別宮
參互亦可也卽以小令夏竦之喜遷鶯與長調吳禮
之之喜遷鶯爲同一黃鐘者字數多寡無論也又以皇
甫松之平韻天僊子與張先之仄韻雙調天僊子同
一黃鐘者聲韻平仄無論也有以徐昌圖之臨江仙

爲仙呂而牛希濟之臨江仙爲南呂者其宮調自別亦可也此卽沈天羽云南劇越調過曲小桃紅與正宮過曲小桃紅異者蓋以一二證之世有解人率以教我

陳暘樂書曰五行之聲所司爲正所欹爲旁所斜爲偏所下爲側正宮之調正犯黃鐘宮旁犯越調偏犯中呂宮側犯越角之類樂府諸曲自昔不用犯聲唐自天后末年劔器人渾脫始爲犯聲以劔器宮調渾脫角調以臣犯君也明皇時樂人孫處秀善吹笛好

作犯聲亦鄭衛之變也

柴紹炳曰論古詞而由其腔則音節柔緩無馳驟之法論古詞而由其調則諸調各有所屬後人但以長短分之不復問某調在九宮某調在十三調競製新犯名目不知有可犯者有必不可犯者如黃鐘不可先商調商調不可與仙呂相出入是必須審音律也沈雄曰宣政間諸公自製樂章有側犯若尾犯一名碧芙蓉張子野所製詞也淒涼犯花犯念奴姜堯章所製詞也別有史邦卿靈鷲四犯仇山村八犯玉交

枝又有花犯詠梅倒犯一名吉了犯南方烏有秦吉了按嘯餘萃編明辨諸書謂倒犯之卽花犯殊不知花犯爲小石調倒犯爲仙呂宮同於一百二字是又不可不按律也

詳韻

宛委餘編曰沈休文始爲四聲梁高祖雅不好之問於周捨捨對天子聖哲四字於今聲調旣自有別諸家取捨亦復不同吳楚則時傷輕淺燕趙則多爲重濁秦隴則去聲爲入梁益則平聲似去又支脂魚虞

其爲一韻先儒尤侯俱論是切因取韻畧音譜等書
叅伍之當時遂有法言撰本長孫訥言箋註各各增
加焉卽唐人小令務遵爲金科玉律不少寬假至宋
成廣韻其二萬六千一百九十四字始有頒韻應制
諸詞

宛委餘編曰沈韻之興也元周德清以中土台音勝
之又以三聲而奪四聲其所舉平聲如靴在戈韻車
邪遮嗟却在麻韻靴不押車卑却協麻元暄駕言塞
焉俱不協先煩翻不協寒山却與塊痕同押其音何

以相着。仄不協。揮杯不協。裨梅不協。麀雷不協。靡必
抑梅爲埋。雷爲來。方與台協。如此呼轉。亦非。鵠舌而
何。然據宋詞應制體。則德清之所持。未必是。而其所
攻。未必非也。

雅韻序曰。卓氏中州之韻。中州者。中山趙地。北音惟
中山爲正。南不過定遠。北不過彭城。東不過江浦。西
不過睢陽。四境千里。過其境。則土音生矣。惟北方世
鄉。談其音。謂之台。台從上聲。言也。其言無入聲。以入
聲爲三聲之用。謂北人有台輔之像。其聲出乎丹田。

發乎胃臆黃鐘宮商之音也。故重厚而沈雄。其中山之音。重之清者也。故爲音律之用。若南方之音。多人聲。出乎唇齒舌腭之間。角徵羽之音也。故輕浮而峭淺。謂之南音。曰蠻。其吳越閩廣荆湖溪洞之地。皆有鄉談。謂之彛語。謂之鳩舌。非譯不通。故不入五音之內。今以三聲內收入聲爲北音之用。而世音切者。何以入聲之變爲三聲。故無切。宋應制詞賦類遵頒韻。如此者。庶使有所持循。後不漸失之通韻耳。明正統

陶宗儀韻記曰本朝應制頒韻僅十之二三而人爭習之戶錄一編以粘壁。後世定本後見東都朱希真復爲擬韻亦僅十有六條其閉口侵尋監咸廉纖三韻不復混入未遑較讐也。鄱陽張輯始爲衍義以釋之。洎馮取洽重爲繕錄增補而韻學稍爲明備通行矣。值流離日載於掌大薄踈藏於樹根益中涇朽虫蝕字無全行筆無明畫。又以襍葉細書如半菽許願一有心斯道者詳而補之然見所書十六條與周德清所輯小異大同要以中原之音而列以入聲四韻

爲準南村老人記

詞品曰沈韻不合聲律。今人守之如金科玉律。世他
今詩學李杜。李杜本六朝相襲而不敢革也。填詞自
可通變。如朋字與蒸字同押。打字與等字同押。挂字
畫字與怪字壞字同押。是鳩舌之病。周德清著中原
音韻偉矣。乃宋填詞已有開先者。蓋真見在人心目
不約而同耳。試舉蘇東坡一斛珠云。洛城春曉。垂楊
亂掩紅樓半。小池輕浪紋如篆。燭下花前。曾解離歌
宴。○自昔風流雲雨散。關山有限情無限。待君重見

尋芳伴爲說相思目斷西樓燕篆字據沈韻在上韻
本屬鴟舌蘇特正之也蔣竹山女冠子云蕙花香也
雪晴池館如画春風飛到寶釵樓上一片笙歌琉璃
光射而今燈謾挂不是暗塵明月那時元夜况年來
心懶意怯羞與闌鴉爭耍○江城人悄初更打問繁
華誰解再向天公借剔殘燈炮但夢裏隱隱鉤車羅
帕吳牋銀粉待把舊家風景寫成閒話笑綠鬟鄰女
倚窗猶唱夕陽西下是駁正沈韻畫及挂話及打字
之謬也目聖求感皇恩云寒食不多時牡丹初賣小

院重簾燕飛碍。昨宵風雨。尚有一分春在。今朝猶自得。陰晴快。熟睡起來。宿醒微帶。不惜羅襟揜眉黛。日長梳洗。看花陰移改。笑拈雙杏子。連枝戴。此連粘數韻。以見酌古斟今之妙。

詞統曰。從來有韻無書。自五七言近體出。而有詩韻。至元人樂府出。而有曲韻。唐小令。原遵沈韻。宋曼詞類。因頒韻。沈際飛所謂詩韻嚴。而珣在詞。當併其獨用。爲通用者。綦多。曲韻近矣。然以上支紙寘分作之思。福一。支紙寘分作齊微韻。上麻馬嘯分作家麻纖。

下麻馬禡分作車遮韻而入聲隸之平上去三聲則曲韻不可以爲詞韻明矣近代不審詞韻迭出將詞韻不亡於無而亡於有可深歎也

鄒程村曰詞韻本無蕭畫作者遽難曹隨分合之間辨極銖黍宋詞有通用至數韻者有忽然出一韻者有數人如一轍者有一首而僅見者後人不察利爲輕便一韻偶侵遂及他部數字相引竟及全文此毛氏一人通譜全族通譜之喻爲相類也學者切戒夫通病恪遵爲成式并舉習見者爲繩尺自免駁議於

後人然無遽以魯男子之不可學柳下惠之可也

趙千門曰詩韻中平聲十灰十三元上聲十賄十三阮去聲十卦十一隊十四願皆今人之割半分用者也今考宋詞凡此等類一槩不分悉依詩韻原本如稼軒沁園春用灰韻少游千秋歲用隊韻俱全用不分將以宋人爲全遵沈韻耶其不遵者乃十之八九考白樂天長相思詞用支微韻已與灰半通用唐人守沈韻如山而作詞已透宋人之韻况各韻分半洪武正韻亦然作者當遵有宋辛秦諸公多仍唐韻然

亦不必相沿也。

趙千門曰。入聲最難牽合。頒韻分爲四韻。今人亦別立五韻。亦就宋詞中較其大略以爲區別耳。今檢昔詞如去矜者十之七。彼此牽混者亦什之三。卽如物部等字。押於昔詞絕少。其僅見者東坡念奴嬌。物與雪減髮杰等同押。介甫雨淋鈴。物與砧窟沒渤同押。似物部當通用月曷等部矣。而念奴嬌不免雜用壁字。雨淋鈴不免雜用曲字。何爲兩俱入於質陌韻乎。至於稼軒滿江紅。物部全與質陌部同押。是又與質

陌通矣。再攷洪武正韻。物部亦併入質陌部者。及歷
考唐宋物部有時單通用月曷。有時與質陌月曷等
俱通者。前輩旣以游移。今日仍無畛域。此道將流於
漫漶無極矣。故守韻宜嚴也。今當以去矜所分者分
之。

毛馳黃曰。詞韻大約平聲獨押。上去聲通押。然間有
三聲通押者。如西江月。少年心。換巢鸞鳳之類。故去
矜於每部韻俱總統三聲。如東董江講以平聲貫上
去而弁之名曰三聲而止。列二聲而中又分平仄凡

十四部。至於入聲無與平上去三聲通押之法。故後又列爲五部。

毛馳黃曰。沈譜取證古詞。惟以名手雅篇。灼然無弊者爲準。迺有秦觀秋閨。慢暗累押。仲淹懷舊。外淚莫辨。邦彥夫人。心雲並陳。少隱禁煙。南天雜叶。稼軒諸作。歌麻通用。李景春恨。本支紙韻。而中闌入來字。其他固未易闕數。當時便已縱逸。世鮮通人。傳訛至今。莫能彈射。而翦才劣手。苦於按譜。似更利其疎漏難矣。至於稼軒南柯子。新開河詞。本佳盤韻。而起韻則

用時字。歐陽修踏莎行離別詞。本支紙韻。而末用外字。姜夔疎影咏梅詞。本屋沃韻。而中用北字。柳永送征衣詞。本江講韻。而末用遙字。當是古人誤處。未宜因以爲例。所以不能槩責之後來也。

陸蓋思曰。今以古詞叅之音律。以正當世詞用曲韻之病者。曲韻宗中原音韻。四聲通用。而入聲不列。攷之唐宋詞家。槩無是例。至於肱肅崩烹盲弘鵬等字。詞韻收入庚梗韻者。而曲韻收入東鐘韻。浮字收入尤有韻者。而曲韻收入魚模韻。則曲韻之不通於詞。

韻昭然矣。或曰：德清曲韻不可遵，洪武正韻所必遵也。夫正韻作詞，不無扞格，且晚近爲詞韻者，利於易押，苟且傳會所致，將古詩風雅而亦以詞韻例之乎？

本意

胡應麟曰：菩薩蠻憶秦娥爲諸調之祖，後世與調名相符者，猶樂府然。題卽詞曲之名也。調卽詞曲之聲也。宋人填詞絕唱，如流水孤村、曉風殘月等編，皆與調名了不相合。而王晉卿人月圓、謝世逸漁家傲、姝碌碌世間，則樂府所重在調，不在題明矣。

沈際飛曰唐詞多述本意有調世題如臨江僊賦水媛江妃也天僊子賦天台僊子也河瀆神賦祠廟也小重山賦宮詞也思越人賦西子也有謂此亦詞之末端者唐人因調而製詞命名多屬本意後人填詞以從調故賦詠可離原唱也

虛聲

胡仔曰七言八句與七言四句見諸歌曲者今止瑞鷓鴣小秦王耳瑞鷓鴣猶依字易歌若小秦王必襍以虛聲乃可歌也

楊慎曰唐人曲調皆有詞有聲而大曲又有艷有纒有亂詞者其歌詩也聲者若羊吾夸伊那何之類艷在曲之前趨與亂在曲之後亦猶吳聲西曲前有和後有送也

沈雄曰詞品以艷在曲之前與吳聲之和若今之引子趨與亂在曲之後與吳聲之送若今之尾聲則是羊吾夸伊那何皆聲之餘音聯貫者且有聲而世字卽借字而世義然則虛聲者字卽有而難泥以方音義本世而安得有定譜哉夫唐詞以一章爲一解儉

歌以一句爲一解。古今樂錄曾述之矣。余以近代吳歌。猶有樂府遺意。腔調如是。而詞義之變。輕重流遞。反復聯合。且有遲其聲以媚之。如那何二字之類。俱化作數字。亦大有方音在焉。

小令

張炎曰。詞難於小令。如詩難於絕句。一闋不過十數句。一句着閑字不得。更末句最當留意。惟有有餘不盡乃佳。

倚聲集曰。小令不學等閒。當效歐陽秦黃夫等閒之

絢環處於詩爲靡於詞如古錦間然異色若歐晏則
饒蘊藉秦黃則最生動更有一唱三歎之致

王士禛曰南宋長調如姜史蔣吳有秦柳所不能及
者北宋小令如晚唐絕句以劉賓客杜紫微爲絕詣
皆出供奉龍標一頭地

中調

沈際飛曰唐人長短句小令耳後衍爲中調長調其
故以換頭雙調聯合之者中調也復系之以近以犯
以慢分別之如院本之名犯名賺名破之類且顧從

敬編輯草堂以臆見分之後遂相沿耳

沈雄曰唐宋作者止有小令曼詞至宋中葉而有中
調長調之分字句原世定數大致比小令爲舒徐而
長調比中調尤爲婉轉也今小令以五十九字止中
調以六十字起八十九字止遵舊本也

長調

張炎曰作慢詞須看題目先擇曲名然後命意思其
頭何如起尾何如結然後選韻然後述曲最要過變
不可斷了曲意

柳塘詞話曰唐人率多小令。樽前集載唐莊宗歌頭
一闕不分過變計一百三十六字爲長調之祖。若
甚佳。按歌頭係大石調別有六州歌頭水調歌頭皆
空音節悲壯以古興亡事寔之良不與艷詞同科者。
梅墩詞話曰詞貴柔情曼聲第空於小令若長調而
亦喁喁細語失之約矣。惟沉雄悲壯情致疊疊方爲
合作。其多有不轉韻者以調長勢散恐其氣不貫也。
如俞彥所云意窘於侈字貧於複氣竭於鼓鮮不納
敗。

換頭

張炎曰。要知換頭不可斷了。曲意如白石云。曲曲屏
山。友淡。獨白。其情緒於過變。則云。西窗又吟。暗雨。此
則曲意不斷矣。

劉體仁曰。換頭處不欲全脫。不欲明粘。能如畫家開
闔之法。一氣而成。則神味自足。有意求之。不得也。宋
人多於過變處言情。然其氣已全於上段矣。另作頭
緒。便不成章。至如東坡賀新郎。乳鷁飛華屋。其換頭
石櫓半吐。皆阮石樞。一筓子。缺月挂疎桐。其換頭縹

紗孤鴻影皆詠鴻又一變也

沈雄曰汾曲之起多用絕句或皆卑調教坊記所載是也樂府所製有用疊者今按詞則云換頭或云過變猶大曲調之爲過宮也宋人三換頭者美成之西河瑞龍吟耆卿之十二時戚氏稼軒之六州歌頭酈奴兒近伯可之寶鼎現也四換頭者癡窗之鶯啼序也

起句

張炎曰詞之語句太寬則率易太工則苦澁如起頭

八字相對須着一字眼。如詩眼同。若八字既工。下句便可少寬。庶不窒塞。約算太寬易。又着一句工。敏者便精粹。此詞之關鍵也。

沈雄曰。起句言景者多。言情者少。敘事者更少。太約質實則苦生澁。清空則流寬易。換頭起句要難。又斷斷不可犯此。所以從頭起句。照管全章及下文。換頭起句。聯合上文及下段也。

結句

劉體仁曰。詞之起最難。而結更難。於起不欲轉入別

調也。呼翠袖爲君舞。倩盈盈翠袖。搵英雄淚。便是一
法。須結得不愁明月盡。自有夜珠來之妙。若美戚任
舞休歌罷。則何以稱焉。

沈雄曰。結句如水龍吟之作。霜天曉。繫斜陽纜。亦是
一法。如憶少年之况。桃花顏色。好事近之放真珠簾。
隔緊要處前結。如奔馬收轡。須勒得住。又似住而未
住。後結如衆流歸海。要收得盡。又似盡而不盡者。

辨句

詞裏曰。近人多據圖譜。嘯餘譜。二書。平仄。幾。綴。而又

半黑半白以分別之其中虛實句讀每置不論且載詞太畧如字數稍有起結相類遂謬爲一調矣明辨一書多遵嘯餘譜舛錯更甚或逸本名或列數調或分謚字甚則以觀字爲寔字則有增添字數之謬以上二字可聯在下句以下三字可截在上句則又錯亂句讀之謬成譜豈可如是是不可不辨句也

柳塘詞話曰俞彥云詞全以調爲主調全以字之音爲主首有平仄大有必不可移者間有可移者仄有上去入大有可移者間有必不可移者任意出入失

其由來有棘喉澁舌之病。余則先整其詞句。平仄之粘。務遵彼宮調陰陽之律。縱奇才博洽。僻字尖新。有不得稱爲當行者。此余從音律家學之傳。雖曲夏嚴於詞。詞或寬於詩。有不能任意爲之者。

柳塘詞話曰。五字句起結自有定法。如水蘭花慢首句。拆桐花爛熳。三奠子首句。恨韶華流轉。第一字必用虛字。如觀字。謂之空頭句。不是一句。五言詩可填也。如醉太平結句。寫春風數聲。好事近結句。悟身非凡客。可類推矣。如七字句在中句。亦有定法。如風

中柳中句怕傷郎又還休道春從天上來中句人憔悴不似丹青句中上三字須用讀斷謂之折腰句不是一句七言詩可填也若據圖譜僅以黑白分之嘯餘譜以平仄協之而不辨句法愈見舛錯矣

疊句

沈雄曰兩句一樣爲疊句一促拍一曼聲瀟湘神法駕燕引一氣流注者促拍也東坡引雄心消一半雄心消一半不爲申明上意而兩意全該者曼聲也體如是也若呂居仁之恨君不似江樓月南北東西南

北東西只有相隨世別離是承上接下偶然戲爲之耳

對句

周德清曰作詞十法始卽對耦有扇面對重疊對救尾對趙元鎮滿江紅云欲往鄉關何處是正水雲浩蕩連南北又欲待忘憂須是酒奈酒行欲盡愁世極此卽扇面對也

俞彥曰詞中對句須是難處莫認爲襯句正惟五言對句七言對句使讀者不作對疑尤妙此卽重疊對

也

沈雄曰對句易於言景難於言情且開放則中多迂
濫收整則結世意緒對句要非死句也牛嶠之望江
南不是鳥中偏愛爾爲緣交頸睡南塘其下可直接
全勝薄情郎此卽救尾對也

周雪客曰稼軒對句如對鄭子真巖石卧赴陶元亮
蘼萼期生硬不可按歌固不若丁飛濤之嬾對蠶嫌
稽叔拙貧來鬼笑伯龍癡用事用意爲有情致

複字

卓人月曰。詩中一句連三字者。夜夜夜。淡聞子規。日。日。斜。空。醉。歸。此非疊字也。如醉春風。釵頭鳳。摘紅英。惜分釵等曲。乃有複字。尤更難於落句者。以全任氣足韻足耳。

劉體仁曰。複字亦良不易錯錯。錯與忡忡之類。須是另出。不是上文又不離上段句意乃善。

襯字

張炎曰。詞之語句。若惟疊以實字。讀之且不貫通。况付雪兒乎。合用虛字呼喚。一字如正。但任况之類。兩

字如莫是又還之類三字如更能消最世端之類要用之得其所

沈雄曰調卽有數名詞則有定格其字數多寡句讀平仄韻腳叶否較朕少有參差委之觀字緣文義偶不聯綴或不諧暢始用一二字觀之究其音節之虛實尋其正文自在如沈天羽所引南北劇中這字那字正字字却字不得認爲別宮別調

轉韻

沈雄曰轉韻須有水窮雲起之勢若重疊金虞美人

醉公子藏字木蘭花謂之四撚頭以其四轉韻也他如荷葉杯酒泉子河傳等曲如不轉韻豈不謂之好語零碎也乎。

藏韻

周蕾谷曰換頭二字用韻者長調頗多中間更有藏韻木蘭花慢惟屯田得音調之正蓋傾城盈盈懽情於第二字中有韻且如定風波南鄉子隱浦蓮豈可月畔爲之

沈雄曰水調歌頭間有藏韻者東坡明月詞我欲乘

風歸去惟恐瓊樓玉宇後段人有悲歡離合月有陰晴圓缺謂之偶然暗合則可若以多者證之則問之箋體家未嘗立法於嚴也

排調

沈雄曰唐人歌詞皆七言而異其名渭城曲爲陽關三疊楊柳枝復爲添聲若采蓮竹枝當日遂有排調如竹枝女兒年少舉棹同聲附和用韻接拍之類不僅祇以虛聲也

衍詞

沈雄曰。衍詞有三種。賀方回衍秋。盡江南藥未雕。陳子高衍李夫人病。已經秋。全用舊詩而爲添聲也。花非花。張子野衍之爲御街行。水鼓子。范希文衍之爲漁家傲。此以短句而衍爲長言也。至溫飛卿詩云。合歡桃核真堪恨。裏許原來別有人。山谷衍爲詞云。似合歡桃核。真堪人恨。心兒裏有兩箇人人。古詩云。夜闌如秉燭。相對如癡寐。叔原衍爲詞云。今宵剩把銀缸照。猶恐相逢是夢中。以此見爲詩之餘也。

集句

柳塘詞話曰徐士俊謂集句有六難屬對一也協韻
二也不失粘三也切題意四也情思聯續五也句句
精美六也賀裳曰集之佳者亦僅一斑爛衣也否則
百補破衲矣介甫雖工亦未生動沈雄曰余更增其
一難曰打成一片稼軒俱集經語尤為不易

沈雄曰蘇長公南鄉子云悵望送金杯

杜牧

漸老逢

春能幾回

杜甫

花滿楚城愁遠別

許渾

情懷何況青

絲急管催

劉禹錫

○吟斷望鄉臺

李商隱

萬里歸心

獨上來

許渾

景物登三閤始見

杜牧

徘徊一寸相思

一寸灰李商隱近代蕃錦集中朱竹垞點絳脣詠風

云。灑露颼煙包佶世情有恨何人見皮日休羅幃舒

卷李白算待花如霰王維○聽不聞聲韓愈紫陌傳

香遠陳翥陽春半崔湜柳長如線李賀舞態愁將斷

鄭愔詞則佳矣。但取其義之脗合。不求其句之割切。

也。律陶集杜自晉已然。止用七言五言也。卽詠中對。

句結句之工巧。或出人意表。若內用二字三字四字。

當割切之於何人。而註爲某某句乎。

迴文

鄒祗謨曰迴文之就句迴者自東坡晦菴始也其通
體迴者自義仍始也近代張縉以一首律詩而迴作
一首填詞董以寧毛重倬有一首而迴作兩調者文
人慧業山生狡獪

張縉律詩一首向作舞春風昔有此體近復迴作虞
美人調者隄邊柳色春將半枝上鶯聲喚客游曉日
綺羅稠紫陌東風絃管咽朱樓○少年撫景慚虛過
終日看花坐獨愁不見玉人畱洞府空教燕于古風
流○

沈雄曰東坡菩薩蠻四時詞是名倒句卽晦菴之春
恨詞義亦穩如晚紅飛盡春寒淺淺寒春盡飛紅晚
率章云長恨送年芳芳年送恨長猶不失體若丘瓊
山之秋思率章云寒光月影斜橫透碧窻紗平粘已
失句意又倒此只可用倒句而不可作廻文者也

隱字

詞綜曰踏青游一詞爲贈妓崔念四之作政和間士
人所製隱念四字詞云識箇人人○恰止二年○懽會似
睹賽六隻渾四向○巫山重重去如魚水○雨情美同倚○

畫樓十二倚了。又還重倚。兩日不來時。時在人心
裡。擬問卜。嘗占歸計。揀三八清齋。望永同鴛被。到夢
裡。驀然驚覺。夢也有頭世尾。

沈雄曰。秦少游水龍吟。小樓連苑橫空。隱婁東玉宇。
南柯子。一鉤斜月。掛三星。隱陶心兒字。何文縝虞美
人分香帕子。柔藍賸欲去。殷勤惠隱惠。柔字與會所
至。自不能已。大雅之作。政不必朕。若黃山谷兩同心
云。侑共人女。邊着子。爭知我門裡。擔心隱好悶。兩字
總因黃絹幼婦。外孫壻曰。八字作偏而下流。於秋在

人心上心在門兒裏便開徑淺蹊徑

隱括詞

賀寬曰東坡隱括歸去來詞山谷隱括醉翁亭記兩
人固是好手終墮惡趣

沈雄曰東京士人隱括東坡洞仙歌爲玉樓春以記
摩訶池上之事見張仲素本事記曾直隱括子同漁
父詞爲鷓鴣天以記西塞山前之勝見山谷詞是真
簡而文矣

福唐體

藝苑卮言曰陶淵明止酒用二十止字梁元帝春日
用二十二春字一時游戲不足多尙然如宋詞東坡
之皂羅特髻連用七採菱拾翠字書舟之四代好連
用八好字亦有不可解者何獨福唐體而疑之

蓉城集曰歐陽炯清平樂通首十春字初在句首旣
入句中始則單行旋而雙見安頓變化究不若高賓
王卜算子全用春字亦復警切復生動

沈雄曰山谷阮郎歸全用山字爲韻稼軒柳梢青全
用難字爲韻註云福唐體卽獨木橋體也竹山如效

醉翁也字楚辭些字兮字一云騷體卽福唐也究同
嚼蠟

和韻

張炎曰詞不可強和人韻若曲韻寬平庶可廢和倘
險韻爲人所先牽強塞責句意何以融貫乎和詞如
東坡楊花起句質夫合讓一頭地後段愈出愈奇壓
倒今古

沈際飛曰張杞和花間集凡四百八十七首篇篇押
韻未免拘牽字字求新亦饒生鑿惟甘州遍鴻影又

被戰塵迷一句差勝

沈雄曰古者歌必有和所以繼聲也倡予和汝詩詠
籥兮調高和寡曲推白雪至一韻而爲之數回往復
長慶之元白松陵之皮陸實濫觴焉屬和工而格愈
降矣蘇黃間一爲之辛劉復爲迭出顧其才力優爲
之此猶天絕塵遠馭之才技不馳逐於康莊大堤而
躑躅於巉崖峭壁若不藉此無以擅長者余作周勃
山間情集序云然

江尚質曰此儻鵲橋儻七夕詞以八煞字爲韻尤雲

殢雨正歡濃。但只怕來朝初八。年年此際。一相逢。未
審是甚時結煞。張子湖醉羅歌。聞情詞。以毒蹴字爲
韻。多情早是睂峯蹙。一點秋波。閉裏覷人毒。歸來想
見櫻桃熟。不道秋千。誰伴那人蹴。此限韻之險者。張
樞言席上。劉巨源僧仲殊在焉。命作西湖詞。巨源口
占云。憑誰好筆橫掃素縑。三百尺。天下應無此。是錢
塘湖上圖。仲殊應聲云。一般奇絕雲澹天。高秋夜月
費盡丹青。只這些兒畫不成。又命賦梅花詞。仲殊先
吟云。江南二月。猶有枝頭千點雪。邀上芳樽。却占東

君一半春巨源續和云樽前眼底南國風光都在此
移過江來從此沅南不復開蓋減字木蘭花也和句
又是一法耳

節序

張炎曰昔人詠節序付之歌喉者不過爲應時納祐
之作所謂清明拆桐花爛熳端午梅霖乍歇七夕炎
光謝若律以詞家風度則俱未然豈如周美成解語
花咏元夕史邦卿東風第一枝咏立春不獨措語精
粹且見時序風物之感若易安永遇樂咏元夕云不

如向簾兒下聽人笑語亦自不惡如以俚詞歌於坐
花醉月之下爲真可惜

楊慎曰馮雙溪之評胡浩然詞立春喜遷鶯先紀節
序次述宴會末歸應時納祐要有感慨思致

咏物

賀裳曰曾見姜堯章論雙雙燕咏燕詞不稱其軟語
商量而賞其柳昏花暝正姚銓所謂賦水不當言水
而言水之左右前後也尙未若張功父滿庭芳月洗
梧桐一闕不惟曼聲勝其高調而形容細如毫髮又

皆姜詞所未發者。

沈雄曰：咏物入妙之句，如杜衍咏荷：真珠零落難收，拾劉才邵咏夜度娘：一抹微雲淡秋月，若賀方回淡黃楊柳帶棲鴉，秦處度藕葉清香勝花氣，正阮亭程村輩所云：取形不如取神也。

沈雄曰：紫薇詞：羅帕分柑霜落齒，冰盤剝茨珠盈掬。安陸詞：晴鴿試翎風力軟，雛鶯弄舌春寒薄。楊慎特舉之爲咏物之工。舊今彈指詞中，有清脆鈴聲簷鴿，夜悠揚燈影紙鷂，風清新亦未有人道。

沈雄曰。卽賀黃公旼燕詞。斜日拖花。微風撲絮。如識
柳塘花塲詩。便覺春光駢宕。王阮亭贈雁詞。水碧沙
明。參橫月落。還向瀟湘去。又絕似箏聲玉指。俱在行
間也。

張炎曰。詞之賦梅。惟白石暗香疎影二曲。自立新意。
誠爲絕唱。李白云。眼前有景道不得。崔顥題詩在上
頭。今作梅詞者。不能爲懷。

張炎曰。詩固難於咏物。詞爲尤難。體認稍真。則拘而
不暢。摹情幾遠。則晦而不明。要須收縱聯密。用事切

合一段意思全在結尾如史邦卿雙雙燕咏燕姜堯章齊天樂咏促織全章精粹瞭然在目且不留滯於物

曲調

沈雄曰前人有以詞而作曲者斷不可以曲而作詞如念奴嬌百字令同體也俱隸北曲大石調起句云驚飛幽鳥蕩殘紅撲蔕胭脂零落門掩蒼苔書院悄潤破紙窗偷瞧一操瑤琴一番相見曾道關期約多情多緒等閒肌骨如削又起句云太平時節正山河

一統皇家全盛宮殿風微儀鳳舞翠靄紅雲相映回
海文明八方刑措田峻傳歌咏風淳俗美庶民咸仰
仁政此等調則詞而語則曲也不可以不辨竟有詞
名而曲調者如竹枝亦有北曲詞云胸背裁絨宮錦
袍續斷絲麻雜綠絲江梅風韻海棠嬌櫻桃樊素口
楊柳小蠻腰清高蘭蕙性不蓬蒿如浣溪沙亦有南
呂過曲詞云才貌撐衣不整對良宵轉覺淒清似王
維雪裏芭蕉景擲菓車邊粉黛情燈月彩少甚麼闌
驚兒引神仙隘香車墜瑟遺瓊如減字木蘭花亦有

北曲詞云愁懷百倍傷。那更怯秋光。逐朝倚定門兒望。怯昏黃。寒角韻悠揚。如醉太平。亦有北曲詞云黃庭小楷白苧新裁。一篇閒賦寫秋懷。上越王古臺。半天虹雨殘雲載。幾家漁網斜陽晒。孤村酒市野花开。長吟去來。畢竟是曲而非詞。恐後之集譜者。或以曲調而亂詞體也。

江運機上觀

投

沈翰价人